

嘉泰吳興志

吳興志卷十一

朱談鎬撰

學校

州治

府學在府治西一里唐初有孔子廟在霅谿南學附焉
統記云郡初有孔子廟武德中李孝恭遷於霅谿南唐
志高祖初制郡學縣各置生員貞觀四年詔州縣學皆
作孔子廟又舊圖經孔子廟在子城南一百一十步州
學亦曰在州城南一百一十步乃知祥符以前學附於
廟

學置經學博士助教生員六十員

唐志武德初郡置縣學博士助教學生又

嘉業堂校刊

日上郡學置生六十員湖爲上郡天寶中州助教博士及學徒會食師

資詔廢惟留州補助教一人學生二人備春秋二社歲

賦鄉飲酒而已

見舊唐書

大歷五年刺史蕭定加助教二人

學生二十員後又廢

見舊唐書

本朝寶元二年知州事滕宗

諒表請於朝建學今廢處明年四月敕書至錫名州學

仍錫田五夫六月學成重門廣殿講堂書閣齋舍庖湍

皆具爲屋百二十楹張方平爲記蔡襄大書勒石石曼

卿又書敕建州學額揭於儀門延安定胡瑗主學四方

之士雲集受業學初爲十八環建有亭曰觀德時朝旨

令賜第進士習射上親閱於殿廷賞賜有差故郡置圃

取孔子嬰相之義

祠堂始立曰三先生祠安定胡瑗太守滕宗諒祕丞朱
臨也後教授趙臨以樞密胡宿墓誌言治湖郡時立祠
於學教授沈揆以知州事鮑軻增置學田圖形附焉曰
五先生祠後又以知州事顏真卿蘇軾王十朋豫其間
凡八人紹熙元年始以安定自爲祠塑像於倫堂左偏
其右爲七賢祠見紀事學中有官書淳化二年二月敕賜九經共六十一卷他書莫知淳化年
月歲久散失不全知州事張澈置書四百二十四卷又
補寫不全書合新舊書凡二百六十五部一千四百四
十八卷司書掌之
有籍以嚴出納

齋館在學之左郡守釋奠齋宿之所

贍學田記寶元間建學朝旨賜田五百畝後以其田瀕
湖多潦歲入無幾養士不給嘉祐七年知州事鮑軻聞

秀州松楊涇有民訟田連年不決者官將兩奪之乃貽書懇轉運使貸錢六十萬得之計七頃一十九畝有奇是歲秋成得租米三百二石田當沃壤無旱潦患其後又箱益僦屋緡錢歲入倍增歲久屋多摧毀田亦多湮沒舊有經界寬贖田僅二頃隸歲崇德者紹興中黠胥詭獻爲營田乾道卽廟旁用學廩售薛氏余氏地爲之後七年罷舍法日就頽毀自是而後詔下興賢莫有定所乾道三年知州事王十朋率卿大夫出財重建爲屋百十六楹狀元張孝祥書額郡人大諫劉度爲記司業芮燁書

宣和五年後進士舉與計偕者八百人時終場舉人八百有三石刻在廣化寺齋堂紹興二十六年朝旨均諸郡皆額增二人後并流寓又增一人自是解發十一名而終場進士四五倍於宣和間矣

慶

元六年知州事李景和又闢銅官廟後堂地添屋二十五間別爲一門以鄉邦士子日盛舊屋窄狹每遇科舉旋搭席屋且布有風雨霑溼之患又入院擁併有蹂踐之慮故也

烏程縣

唐初郡縣皆有學本郡舊有孔子廟郡學在焉縣學未聞也本朝崇寧中行三舍法縣學在州學之東後附州學東偏池上又遷在齋館東廊又遷在禮象閣東序□後復遷於池之東

歸安縣

崇寧中附學見續圖經後附州學東偏池上後又移州

學置齋館西廊後在禮象閣下西序今復移地之東

長興縣

五年邑室聞人觀國觀時遵其父武經君頤遺命遣作大成殿先聖睟容及先師十哲像揭徽宗御書殿額郡之人蕭德藻作記具載顛末命教堂在大成殿後博文約禮志道依仁四齋分列兩廡書籍庫在殿之東榮祭器庫在殿之西榮齋館在堂之東偏學長位在堂之西偏眾職事位在門左右視郡庠具體而微視諸邑爲勝有毛劉二先生祠堂在命教堂東偏毛卽毛滂劉卽邑人死節劉公士英也

德清縣

舊學在德清縣南一百二十步至聖文宣王殿在縣學
本朝舊有故相陳堯佐所撰碑康定元年命天下州學
縣建學遂因廟爲之建災中經兵火紹興中縣令楊鏐
重修有大成殿講堂後有職事位兩廊分四齋故參政
沈與求撰記刻石澤熙中縣令沈杞復加葺治額吳興
郡公李彥穎書

安吉縣

故基不存紹興初縣令馮康始建今學後呂靖勸大成
殿模刻徽宗皇帝御書榜在講堂分四齋置膳學田二
百畝學牌清所書徐良能重修見續圖經

吳興志卷十一

吳興志卷十二

宋談鑰撰

軍營

州治

郡有軍額以防衛不然也唐自中葉尾大不掉權歸藩
鎮支郡之守兵賦亦得而專之至於五代偏方割據民
被其毒慘矣太祖皇帝悉收天下之兵權歸於朝廷選
天下驍銳萃於京師以弱州郡之勢太宗皇帝混一寰
海遵守宏謨州之軍營見於李宗諤圖經者三所而已
所曰屯駐曰崇節曰水軍其後漸加增置今爲營八

威果營在子城西南

第六十三指揮元額
四百人今管數足

雄節在子城

西北第十一指揮元額四千全捷營在子城西第十

額四百人今管龍騎在牢城營元無額以雜記加役人

右禁軍四 崇節營在子城北第十七指揮元額二百

第十八指揮元額三百壯城營在子城西南元額三百

水軍營在子城北開江第四指揮元額二百牢城營

在子城北元無額係雜記加役人見管一右廂軍四廢

營三屯駐營按舊圖經云在子城西廬州寧海衛開

江營舊圖經有之舊馬軍營舊緡云在驢駝橋北今

教場在郡治西北廳宇淳熙八年知州事胡南逢重建

榜曰正己亭

唐有射堂在白蘋洲西貞元十六年刺史李詞建堂五

開西北東西廊及廚亭共七十間棟宇敞豁檐廊窈窕
春秋二教及習射悉於此今廢顏真卿有射堂記碑在
墨妙亭

古蹟

唐開元中李適之爲湖州別駕南峴山有石觴可貯五
斗酒適之每攜其所親友登山酣飲望帝鄉時以一醉
士民呼爲李相石樽宴集聯句敘云因積溜渌石嵌爲樽
以遊作李相石樽宴集聯句敘云因積溜渌石嵌爲樽
彤公注酒其中結字環飲之處

吳孫皓父陵在烏程縣之西陵山號爲明陵相連下山
墨妙亭本朝熙寧間孫覺曾建此亭東坡蘇軾爲記有

云熙寧四年十一月高郵孫莘老自廣德移吳興其明年二月作墨妙亭於府第之北逍遙堂之東取凡境內自漢以來古文遺刻以實之吳興自東晉以來爲善地號爲山水清遠其民足於魚稻蒲蓮之利寡求而不爭賓客非特有事於其地者不至焉故凡守郡者率以風流嘯詠投壺飲酒爲事自莘老之至而歲適大水上田皆不登湖人大饑將相率云去莘老大振廩勸分身自拊循勞來出於至誠富有餘者皆出穀以佐官所活至不可勝記當是時朝廷方更化立法使者旁午以爲莘老當日夜治文書赴期會不能復從容自得如故事而莘老益喜賓客賦詩飲酒爲樂又以其餘暇網羅遺逸

得前人賦詠數百篇爲吳興新集其刻畫尙存而僊仆
斷缺於荒陂野草之間者又皆集於此亭是歲十二月
余以事至湖同覽歎息而華老求文爲記

故安州在武康縣唐志云李子通立安州後廢

故東遷州在烏程縣東四十一里輿地志云晉太康元
年分烏程縣東鄉置隋平陳併入烏程

精舍禪院在歸安縣施渚清州刺史管敘捨宅爲寺白
樂天寄題詩云慣遊山水住南州行盡天台及虎丘惟
有上強精舍寺最堪遊處未曾遊夷堅志云壁閒有詩
云昔作梁朝相今爲普靜神千年英魄在代代護僧人
堯氏廟在堯市皮日休茶陽詩云今有堯氏廟

吳夫槩王廟在吳興

大帝廟在羅城內吳赤烏五年所建有碑

孟郊祠在武康縣西一里卽唐孟郊舊居

上下簪在州西谿上生箭簪南岸曰上簪北岸曰下簪
二簪皆村名土人取下簪水釀酒醇美勝於雲陽俗稱
下簪酒韋昭吳錄云簪下酒有名又吳興記云上簪下
簪並出美酒白樂天詩云勞將下簪忘憂物寄與江城
愛酒翁又劉夢得詩云鸚鵡杯中簪下春

陳高祖臺在州西北三十里陳高祖微時垂釣之所其
上有池名曰高祖磨劍池

陳高祖聖井在州東廣惠院高祖初生井泉湧出家人

汲以浴之後名聖井

晏子城在長興西南一百二十里晏子鄉吳地志云齊晏子娶吳王女築此城

故長城縣廢城地理志云在長興縣東南之十八里晉太康中分烏程置長城縣於富陂村

貢茶院在西四十五里唐貞元十七年刺史李詞置以吉祥院東廊爲院

吳夫槩王城卽長興廊

下缺

談志十二

原缺

墓

在烏程縣西北一十三里都廷侯吳建墓在烏程縣北一十七里齊宣城太

守王靈鞠墓

在烏程縣見顏真卿石柱記吏部尚書殷融墓在烏程舊經云

縣西南六十九里梁黃門侍郎王遲墓

在烏程縣南十六里石柱記云中書侍郎歷

陽太守吳鑠墓

在烏程縣北五十九里陳五兵尚書康宗墓在烏程縣

西北四十里

黃門侍郎康旦墓

在烏程縣北十八里原鄉侯章道勇墓

在烏程縣南一百里

中書舍人管斌墓

在烏程縣南五十九里隋吳興太守

沈法興墓

在烏程縣南入十六里陳郡太守王法表墓在烏程縣西南二十

七里唐丞相李紳墓

在烏程縣南裏山本朝吏部郎中張

先墓

在烏程縣山多寶寺西宗正卿姚舜仁墓在烏程縣靜鄉趙村給事

劉一止墓

在烏程縣澄靜鄉秀安信王墓在烏程縣青山嗣秀王墓在烏

程縣在烏程縣 邢越王墓在烏程縣 尚書左僕射沈該墓在烏程縣後董

右丞相葛邲墓在烏程縣 尚書左丞相葉夢得墓在烏程縣卞山

尚書右僕射朱勝非墓在烏程縣登靜鄉王村

歸安縣

舊圖經所載墳墓十有五悉與烏程並載又吳文帝明陵在縣西北十一里吳超吳奮墓在縣北四里鈕淑墓在縣西十三里潘尼墓在縣北十里縣界西至烏程縣止一里其北至亦不三里帝顓頊冢在烏程之橫山以上六墓不在縣界明矣舊編止載四所程普墓在縣東南十九里姚志墓在縣南十口里王珍孫墓在縣南十八里是矣乃又載縣北十里之潘尼墓則又自失今姑

以舊經所載在縣之東南者凡九所列於後雖未審其

確然以地勢攷之則近之矣 吳九江太守姚渠墓在歸安縣南十二里統

安縣南六十里大將軍朱治墓在歸安縣南十六里又見石柱記左大司

馬當陽侯施績墓在歸安縣南六十里統記云蕩寇將軍程普墓

在歸安縣南一十九里宋南郡太守王道護墓在歸安縣南十八里御史中

丞鈕汭墓在歸安縣南一十九里梁青史董知達墓在歸安縣南六十里泰

州刺史姚志墓在歸安縣南十四里舊編云吳無宣城

太守王珍孫墓在歸安縣南十八里舊編云吳元宣城

也人蓋舊經所書年多舛錯未必二人為吳

長興縣

陳瑞陵在長興縣治西北五里陳景帝陵高祖之父也

瑞嘉陵在長興縣北五里陳高皇后錢氏陵高祖之前

陵日嘉陵夫人也按陳高祖追尊皇妣錢氏為昭陵在長

昭皇五里舊編承譌以為高祖母錢氏非也明陵在長

西北五里文帝父始興壽陵在長興縣下簪寺西齊太

昭烈王陵高祖兄也壽陵常卿陳道巨之墓高祖之

祖也陵南有碑殘飛南嶺井醫清龍宅壤寺鄰壽陵

然下簪寺詩曰碑殘飛南嶺井醫清龍宅壤寺鄰壽陵

古壇留漢祠部郎錢敞墓在長興縣難山南彭祖四

砌石漢祠部郎錢敞墓十五代孫墓柱題名漢祠部

郎錢府君旂門博士沈洙墓在武康縣北司徒左長史

之神道旂門博士沈洙墓二十五里司徒左長史

沈子春墓在武康縣北二陳尙書左丞沈不害墓在武

北三廬陵王長史沈覲墓在武康縣北十五里統記云

吏部尙書姚察墓在武康縣南三里積射將軍沈紹墓在武康

山輔國大將軍戴洎墓在武康縣北六里蜀王司馬姚最墓在

康縣石後周開府儀同三司姚僧垣墓在武康縣唐祕

城山後周開府儀同三司姚僧垣墓南三里唐祕

書少監姚思聰墓

在武康縣南三里右墳墓自漢至唐凡三十所統記舊編餘英志各載二

十九所統記無沈不害舊編餘英志不載沈景故耳統記姚恢皓信墓云碑碣見存而餘英志云皆正蘆不存

見統表識者統記作於景德歷二本朝朝議大夫劉士百餘年存者亦復湮沒可勝歎哉

英衣冠墓

公死節在武康縣直祕閣鄂岳安撫使成無北十五里馬鞍山

玷墓

在武康縣北十里馬鞍山和王楊存中墓在武康縣東三十里禹山上

政知事文安郡侯施鉅墓

在武康縣北二十五里荆子山石四所餘英志所載

德清縣

後漢述善侯沈戎墓

在德清縣東二十三里金鵝山戎初過江居吳興烏程縣餘不鄉承

仁里則此地也

尚書令沈禮墓

在德清縣荆州刺史沈彥墓在德清縣河

門相沈景墓

以上並在德清縣金鵝梁吏部尚書特進山後漢書各有列傳

沈約墓

在德清縣東陳侍中特進金紫光祿大夫沈恪五十八里

墓在德清縣北十五里齊徵士沈麟士墓在德清縣南吳羌山下大中大夫

朱安期墓在德清縣東南新市鎮晉鎮國大將軍朱泗墓在德清縣東南

新市鎮驃騎將軍餘不亭侯孔愉墓在德清縣西南城山下

安吉縣

後漢驃騎將軍萬豪墓在安吉縣南五十五里吳揚州別駕偏將

軍朱紀墓在安吉縣西八里晉黃門侍郎萬先墓在安吉縣北十里晉

高僧曇法師兩生墓在安吉縣東北二十里曇法師姓康前弘覺法師與姚長講法華後生

為曇法師居縣崑山寺兩生葬於此地

吳興志卷十二

吳興志卷十三

宋談鑰撰

宮室

銷暑樓在譙門東唐貞元十五年李詞建有詩四韻給事中韋某等詩六首開成中刺史楊漢公重修畢工在中秋日有詩四首大中間刺史蘇時有銷暑樓八韻杜牧顧況亦有詩

會景樓在清風之下銷暑之上舊未有名治平中知州事徐仲謀以爲高下得所景物羣會取今名有記

清風樓在會景樓東貞元十三年刺史王浦重建宏壯於舊見統記上有張文規詩云清風樓下草初出明月

峽中茶始生謂此也徐仲謀詩曰郡城重疊聳危樓最愛清風景物優說者謂此樓與銷暑會景棟宇相接如修廊盛暑無畏日而清風常有因得名

卞蒼樓在子城北本名天王樓有毘沙門天王在焉曰卞蒼者取徐陵碑高卞蒼蒼爲義

右四樓並建郡圃徐仲謀會景樓記曰吳興郡環子城有十樓除消暑清風會景卞蒼見存外餘並不存清風銷暑二樓谿山環列俯視萬井爲一郡登覽勝地自唐楊漢公再葺至後元祐呂溫卿復增闢今又百三十有餘年歲月悠久清風雖敲側尙可支惟銷暑風雨摧剝榱棟已腐嘉定癸未郡守宋濟卽故陞

累土爲臺撤而新之規模宏敞與清風會景併加葺
治稍復舊貫

明月樓在子城西南隅知州事徐仲謀會景樓記云由
臺門而西至明月樓建已久矣自譙門火止存舊陞舊
編載唐人范傳正正月十五夜翫月詩有風淒城上樓
月滿庾公樓夕照下西樓之句指言此樓蓋楊漢公八
月十五日夜銷暑樓翫月有人在虛空月在谿谿上玉
樓樓上月沈城上十樓未有確據也又云舊傳郡治大
廳居中譙門翼其前卞蒼擁其後清風會景銷暑蜿蜒
於左有青龍象明月一樓獨峙西南隅爲虎踞之形合
陰陽家之說

實春樓

望闕樓

翫景樓

映谿樓

照霞樓並開

成中造在子城上及四隅今無可攷或云今清風明月等樓或易舊名未可知也外又有三樓亦廢

韻海樓唐大歷七年刺史顏真卿建真卿在郡著韻海

鏡源三百六十卷因以爲名今廢

見舊經編

鎮湖樓徐仲謀詩云湖上風濤或泛浮城南因立鎮湖

樓今不存

見舊編

魚脯樓舊編云在儀鳳橋南堍東首歲貢魚脯就此樓修製樓屋至今雄壯析爲民居今有魚樓界尙存舊名鎮雲樓舊編曰銷暑銷暑與清風會景爲三樓鼎峙於子城之東南隅舊編郡治譙門翼前卞蒼擁後而三樓

蜿蜒於左有青龍象爲郡偉觀寶慶丁亥秋颶風樓俱
壞漳祐士子知州事高衡孫營舊址建二樓銷暑改曰鎮
書清風爲複閣仍舊名而更爲東西鄉曩之會景樓則
爲修廊使相聯屬二樓雖因唐舊而規模宏麗則遠過之
鎮書取義關係於形勢尤重而有體郡人陳振孫爲之
記

六客堂在湖州府郡圃中熙寧中知州事李常作六客
詞元祐中知州事張詢復爲六客之集作六客詞序曰
昔李公擇爲此郡張子野劉孝叔在焉而楊元素蘇子
瞻陳令舉過之會於碧瀾堂子野作六客詞傳於四方
今僕守是郡子瞻與曹子方劉景文蘇伯固張秉道來

過與僕爲六而向之六客獨子瞻在復繼前作子野爲前六客詞子瞻爲後六客詞與賡和篇竝刻墨妙亭後人歆豔遂以名堂

逍遙堂在六客堂右知州事唐詢重建徐仲謀詩曰安寢有時延皓月閉門無處不清風棟宇甲於郡圃

熙堂在逍遙堂北嘉定三年知州事魏大中修易名思政四年知州楊長孺改浙西道院

四賢堂在鎮雪樓之下知州高衡孫因建樓卽樓北虛地爲小圃立四賢祠於堂所以景仰先哲垂訓後來也四賢乃內史王公太傅謝公忠烈顏公文忠蘇公皆郡之賢守云

碧瀾堂在子城南一百步雪谿之西岸唐大中四年刺史杜牧建中和五年刺史孫儲記云牧去後郡人望所建碧瀾堂若視甘棠本朝漕使陳堯佐張逸俱有詩及他篇詠刻石墨妙亭慶歷八年知州事唐詢修紹興十年知州事蕭振重修乾道初居民遭火延燎知州事王時升重建人謂不如舊制宏壯歲久復不葺嘉定三年知州事魏大中重修且卽堂後增砌水閣榜爲水晶勝境

水堂在汀風閣北舊編云舊名南堂

梁太守柳惲與主簿吳均常賦詩故

均有夜發南塘詩唐大歷中刺史裴清重修改今名刺史顏真卿有水堂送文士詩刺史張文規有水堂晚眺詩堂北有迎恩驛建炎中郡增置今亦爲贍軍等酒庫此較務遂併汀風閣與驛爲之也

茗谿館舊圖經曰嘉祐二年知州事楊紘建今爲轉運提刑司 按茗谿在儀鳳橋故舊編云在湖州府子城西南亦不詳所在

霅谿館統記云在府南二百步本名白蘋館舊編云在白蘋洲西南梁太守蕭琛置唐開元二十四年刺史韋明敏改爲開政館大歷元年刺史顏真卿改今名以其臨霅谿也刺史杜牧之有得替後移居霅谿館詩四韻自洲爲倉縣廢其址卽今雙谿亭統記以爲錢氏改爲碧湖堂誤也城外又有謝堂館在謝塘見謝塘下

昇仙館在府城東一十八里正元十年刺史于頔置東遷館在府東四十里本名太湖館開元二十九年刺

史張景遵置大歷九年刺史顏真卿易今名以其在晉東遷縣故地也正元十年刺史于頔以其近昇仙館移向東二十里嚴邨置之

震澤館在德清縣東九十里開元二十九年刺史張景遵置取震澤名

餘不館在德清縣南二百步唐天授二年置以臨餘不谿也近市亭山竝廢

汀風閣在碧瀾堂北統記云在府南一百步或使命至泊於此今爲贍軍酒庫

苑囿

都有苑囿所以爲郡侯燕衍邦人游息之地也士大夫

從官自公鞅掌之餘亦欲舒豫乃人之至情方春百卉
敷腴居人士女競出遊賞亦四方風土所同也故郡必
有苑囿與民同樂園爲亭觀又欲使燕者款行者憩也
故亭堂樓臺之在園囿者宜附見焉吳興山水清遠城
據其會騷人墨客狀其景者曰水晶宮曰水雲鄉曰極
樂城楊漢公詩曰谿上玉樓樓上月清光合作水晶宮
景祐中王惟正送葉參知鄉郡詩曰雲谿水雲鄉元祐
中知州事林希因上地圖詩云繞郭芙蓉拍岸平花深
蕩槩不聞聲萬家笑語荷香裏知是人閒極樂城一城
之內觸處見山

洛陽民居見山出見山錢

觸處可以引谿流故凡爲苑

囿必景物幽雅雖近市如在雲巖江邨所以爲貴也唐

園成中白蘋洲有三園錢氏時清源門內有芳菲園宋
寶元中定安門內有南園今者是園廢爲庾廩矣爲居
宅矣爲招提矣園之亭館白白蘋外俱不可見鄉老寓
公多爲芳圃亭宇相望沼沚旁聯花木蒨茂遊者爭眩
物故不能兩盛也城北舊有俞安撫園向安撫園今有
趙太師園葉左司園城南舊有沈尙書園今有萬侍郎
南園月河有莫郎中園其他未易悉數郡園在郡治之
後

亭

清樾亭在墨妙亭南今廢

墨妙亭在清樾亭北熙寧中知州事孫覺建蘇軾記云

凡境內自漢以來古文遺刻取以寶之又有詩一時名公相繼有作舊刻不存蔣燦復書於石嘉定四年知州事魏大中重建

芳菲亭在墨妙亭之前

快哉亭在子城上東北隅

挽翠亭舊在子城東北角慶元六年知州事李景和重修於六客堂北

八角亭唐大歷中刺史顏真卿始翦榛棘疏谿流以建茅亭亦顏公建書柳惲江南曲於上後楊漢公作五亭有記因列茅亭及舊址於碑

迎春亭在東門內唐刺史杜牧造孫儲白蘋亭記云杜

公遺愛所建迎春亭郡人視之猶甘棠後嘗改爲驛今復亭名

濯纓亭在南門內紹興初知州事朱勝非建暇餘不谿清水故以濯纓爲名

白蘋亭在白蘋洲北唐正元中建後刺史楊漢公重葺白居易記曰以其架大漢跨長洲者謂之白蘋亭蘋洲諸亭自築倉後惟此獨存紹興中郡以假寓公遂致廢壞慶元六年知州事李景和重建殿中侍御史陳謙書額又修石橋及橋亭廊廡又於亭相對創後屋三間丹牕一新復還舊觀

疊翠亭在白蘋亭北小橋之外臨水面南山一帶故名

疊翠慶元六年知州事李景和重修知州趙師夔書額
雙谿亭在洲西南卽雪谿館舊址以二水名淳熙二年
知州事趙師夔修

三匯亭在疊翠亭北以眾谿所會名亭以爲公廨者二
會谿亭在白蘋亭北近運河水會雪谿處故名今爲歸
安主簿廨舍乾道中主簿沈與求請建

浮玉亭在烏程縣南臨苕谿舊扁按顏魯公集有柳惲
西亭記云湖州烏程縣南水亭卽柳惲西亭也又引吳
均入東記云惲爲郡起西亭毘山二亭悉有詩又引陸
羽圖記云西亭在城西南二里烏程縣南六十步跨苕
谿爲之天監十六年所建以其在郡治西故名或曰卽

柳惲亭也惲初作亭嘗與吳均賦詩後嘗名霽水堂唐
隋州刺史劉長卿有題烏程李明府霽水堂詩又名水
樓監察御史皇甫曾有烏程水樓留別詩本朝天聖中
縣令方仲弓重修以亭臨苕谿水來自浮玉山故易今
名判官鄭戩爲記今爲烏程主簿廨舍

東亭統記云在東門外三里臨荻塘

西亭在西門外臨谿惲有造西亭詩五韻舊爲迎送客
處今不存

臝舟亭在白蘋館北舊經云臨霽谿

煙雨亭在府西南八十六步舊圖經云唐烏程令李何
建亭宇并敞棚六間咸通五年刺史姜源重再修自爲

煙雨亭記今醋庫卽遺址

四水亭在安定門內馬公橋南宣和中知州事葛勝仲
建今廢

六客亭在郡圃中元祐中張詢復作後序曰昔李公擇
爲此郡張子野劉孝叔在焉而楊元蘇子瞻陳令舉過
之會於碧瀾堂子野作六客詞傳於四方今僕守是邦
子瞻與曹子方劉景文蘇伯固張秉道來過與僕爲六
而向之六客獨子瞻在復繼前作子野爲前六客詞而
子瞻爲後六客詞

歲寒臺倚子城東壁旁有古松係郡圃經遊之所

昆山亭在昆山梁吳興太守柳惲所創惲與郡主簿吳

均有毘山亭贈答詩今廢

祠廟

州治

古者法施於民以勞定國以死勤事祭大菑捍大患者
繫祀典郡邑之閒亦有陰佑一方英靈赫著受封額於
朝廷垂聲華於竹帛者各廟食於其地尸而祝之孰曰
非宜非此族也而舞巫覡列牲酒謂之淫祀吳興風俗
人每以尙淫祀言今考據圖經統記舊編所載詳覈事
始著之於後 予不語怪而統記載防風廟巨人垂足
蔣帝廟飛蝗入耳銅官廟巫臥高柯梓廟華烏啄令目
語尤怪誕蓋郡邑有祠所以爲民水旱疾疫之禱其繫

祀典載圖志陰佑斯土廟食歲久者固不可廢正不必援神怪以詩誣於無知之叱也今故存其事而刊其詞城隍廟所在州縣皆有之莫詳事始唐杜牧爲黃州刺史有祭城隍廟祈雨文二首則郡之有是祀其來久矣州舊有廟紹興十八年知州事趙叔岑重建廟宇裝飾殊嚴整

吳文皇帝廟在儀鳳橋南本名吳太子和廟在州西陵旁皓嗣位後別於今處隋季廟毀唐初重立以和曾封南陽王曰孫王廟大歷十年刺史顏真卿以嘗追尊立廟改爲吳文皇帝廟大和八年敬所重修有碑胡季良撰舊圖經云吳赤烏五年建續圖經云皓嗣位始

惲祠今處廟之建安得在孫權時赤烏年誣也 統記
云在州南一里五十步括地志云烏程縣南有吳太子
和廟初在州西山陵側廟高一丈二尺周回二百一十
步耆老以其縣有文皇帝陵又孫皓嘗封烏程侯乃於
今處別惲祠字舊編云太子和以罪廢居故鄣死永安
元年皓封烏程縣侯始創祠於駱駝橋東荻塘上及嗣
位追尊帝號移置今處皓嘗遣使至廟下迎其神主來
建業儀物甚縟廟有碑按吳志孫和赤烏元年立爲太
子後以讒閒徙故鄣大元二年封南陽王遣之長沙權
薨和徙新都賜死孫休立封子皓爲烏程侯始自新都
之本國皓卽祚追諡文皇帝改葬明陵寶鼎二年遣孟

仁等以靈輿法駕迎神於明陵舊編所載亦未詳審
郭尙書廟神諱璞晉元帝時爲尙書郎舊傳城之初立
璞相視陰陽俾無兵革患故得血食女預其議因以從
祀舊祠在臨湖門外至國朝端拱中知州事鄭建始建
置今處有記存續圖經云以晉史攷之郭於吳興無功
績舊傳遷城置郡在寶鼎元年璞當晉惠懷後避地東
南事不相類故鄭記但述其文學遷城事辨詳見城池
下

忠烈廟紹興三年敕賜廟額神卽唐顏魯公眞卿也公
大歷閒爲刺史遺跡不一見郡守事迹下忠烈言行猶
可想見嘉祐中郡人建神祠通判章衡遂塑魯公像於

中其後知州事張田增葺給事元絳宓學王琪俱有詩
刻又移公所書千祿字碑放生池碑項王碑射堂碑列
於兩廡後又附以乞米等帖宣和中知州事葛勝仲臨
池建堂勝曰懷忠紹興初知州事汪藻以事上於朝始
賜今額仍新廟貌乾道四年郡人以趙子璘祠附於右
淳熙九年又以蘇軾祠附焉二公皆舊爲刺史蘇公之
忠國趙公之捍城亦邦人所仰云

靈祐廟在子城北宣和中敕賜廟額封神昭應侯神姓
曹諱清烏程人父嘗殺人繫獄自誣手刃代受重辟旣
歿殊顯靈異有祈輒應初寓祀於靈濟祠宣和初盜起
清谿犯歛及杭近郊復有陸盜千餘人且及城下知州

事王倚見神於夢已而守城者夜覩異人冠服華侈往來雉堞間轉相告語知神陰助賊平州主其事遂有封額之賜及度地建廟爲屋七十楹郡人劉燾爲記並書碑在廟廟有井遇歲大疫飲者輒漸愈

靈濟廟在子城西北報恩觀之右廣德祠山張王也有敕賜廟額累封王爵王後漢人初居郡之白鶴山唐顏真卿碑載其事乾寧中邑人避宣城亂寓居卞山立草堂祀神時李師悅爲守夢神可授館乃建祠於卞山之隅

顯靈集云王諱激姓張後漢時人初居苕谿之白鶴山注云其事見湖州碑大歷九年刺史顏真卿書重立徐浩題額碑載新室之亂野火燬其祠本朝大觀

丁亥歲知廣德軍張競辰得之撫其殘缺之餘刻石於
廟今舊碑不復存又載湖州刺史李師悅記云授館事
又統記云舊傳王之柳趙二姬實白鶴山之人建中靖
國初知州事徐鐸始創今廟爲屋三十四楹曰行廟有
碑□絡撰碑在廟額題爲行廟以卞山下有廟也今
卞山廟廢定安門外又創別祠

德睨廟在吳文皇帝廟之左崇寧初敕賜廟額神姓沈
諱約宋時人沈爲吳興著姓約在宋以文名官至左僕
射特進俗號吳興地主不詳創廟之始

西楚霸王廟在北二里舊項王廟在子城西北內隅以
其地爲項王故城也自後漢以來有之宋永初中廢統

記云子城內地爲項籍故城有古項王廟以永初二年
中廢後又興廟於楚帝寺又云當後漢吳晉時有二廟
一在下山一在子城內宋永初二年並廢尋以其靈驗
置於州北二里今項王寺也舊圖經云在烏程縣東北
四里南齊書曰李安人爲吳興太守舊方伯到郡者皆
殺輓下牛祭項籍神然後方上安人不信牛無故自死
埋於廟側號李公牛冢梁典云蕭琛爲吳興太守移神
歸廟事見郡守事迹下 陳高祖永定二年於舊廟西
北一里更立新廟遣中書舍人韋鼎冊拜神爲楚帝唐
顏真卿於碑陰述王與叔父梁避仇吳中蓋今湖州也
靈應事迹頗多陸羽圖經亦具載南史臨汝侯蕭猷爲

太守與楚王神交飲至一斛每酬祀盡歡猷醉神形亦有酒色祈禱必從後爲益州刺史齊苟兒反眾十萬攻州城猷兵糧俱盡乃遙禱請救是日田父有逢二騎衣鐵從東方來俄有數百騎如風一騎過請飲田父問爲誰曰吳興楚王來救臨汝侯當此時廟中祈請無驗十餘日乃見侍衛士偶皆泥溼如汗者又統記載唐狄仁傑承制應天下神廟非典禮者悉除父老以項王廟爲請仁傑試齋宿於廟中夜見偉人曰吾西楚霸王也自國家起義兵及征遼吾常以陰兵佐之今以功獲焚柰何仁傑許其完葺至曉以牢酒祭奠其廟至今存

通靈王廟在甘棠橋與橋相直舊謂之銅官山趙監廟

見舊圖經統記今俗呼銅官廟漢吳王令監督胥靡鑿山采銅不忍虐

用其民山覆而死因以立廟吳興錄顧野王與志唐及實字記皆不載其名

同光中敕封爲通靈王清泰二年加封福善

保仁王廟本在武康縣銅官山今廟國初第曰解字續

云武康銅官山有廟州東南亦有解字見存元符元年知州事豐稷重修郡

人姚舜仁撰記題曰重修通靈王廟記云

蘇將軍廟在臨湖門內郭尙書廟碑云移置蘇驃騎堂

之上廟之置久矣按南史宋封蘇侯神爲驃騎將軍神

卽蘇侯續圖經云所載經及郡人留於此廟獨見於鄭建所述郭尙書廟碑故老相傳此郡人當是蘇

峻然峻木張掖人舊寇江南口口口建康白爲驃騎鎮

軍將軍而初不及此竟置神像亦有依憑者耶今按南

史文帝諸子邵傳劬排鳳正聲迎蔣神侯像於宮內乞

恩拜爲大司馬封王蘇侯爲驃騎將軍使南平王臻爲

祝文今廟在武康則蘇侯有廟在城下事相類也特建
之由續圖經之言未嘗攷此又蘇峻起兵蔣侯事見武
康蔣侯廟下況峻白為驃騎神
信為蘇峻但事涉怪謬不足載

防風氏祠在郭尚書蘇將軍廟之閒廟在封禺山城下
亦為小祠舊傳寧化寺防置之宅也見統記

烏程縣

頃王廟在縣東北四里唐天祐四年建即山下祠也

今廢見舊圖經

靈祐廟在西陽即昭應侯所居也州城又有廟詳見郡

徐孺子廟在孺山見孺山下

李靖廟在古山舊編云有唐吳道古碑在廟有賜額及碑志可考

沈將軍廟在烏程縣昇山神諱清唐婺州刺史大歷中

李希烈陷汴州浙東西觀察使韓滉使勒嘉興子弟四
百人翼於潤州交點土眾發自昇山逐逆黨至汴口力
戰而死詔贈衛尉少卿兼左金吾衛將軍卽發軍之地
置祠光啟三年再新廟貌有記具載其事按唐史憲宗時李希烈反
韓滉爲浙江東西觀察使希烈陷汴州滉遣將王
栖羅李長榮柏良器以勁卒萬人進討次睢陽破之
顯利侯廟在卞山之巔有龍池麓有龍洞熙寧四年
大水明年春復苦雨知州事孫覺禱焉應期雨止年遂
有秋明年始建祠七年春不雨知州事常禱於祠下須
臾卽雨祕丞朱臨記其事元豐三年敕封顯利侯
烏將軍廟在烏墩鎮一名烏戍將軍唐烏重胤之族子
史失其名李筠反將軍與之戰死葬於鎮之普靜寺遂

廟食於此前有大池方十餘畝多黿人不敢捕見舊編
經乃云烏氏自秦著名今以名鎮則將軍血食於此久矣
第年代縣遠圖志缺逸不可攷按唐史烏重脩河東
將軍承此於憲宗時擢河陽節度使又憲宗卽位李筠
反令管內鎮將殺常蘇湖等五州刺史辛祕殺鎮將進
討辛祕立功事有石刻在
軍資庫及將吏姓名當攷

歸安縣

按本縣圖經城內外祠廟七所在城有蘇將軍西楚王
郭尙書通靈王顏魯公六所見郡志又有阜俗安閣王
及城外有功善王不知創建之由

東嶽行祠三一在射村一在東林一在璉市舊編有言
思谿俗傳爲言僊史記言僊吳人九城志平江有言僊
宅但以僊爲言城語殊鄙俚有東林土地廟記係是唐
人所作及橫洋土地廟文編修沈瀛所撰內云唐裴節
使求立寨以屯師旅故謂之射村語不知其何所考稽

一在長興縣西門外五峰山紹興十年

見舊編

吳文皇帝廟及東嶽行祠三今惟射村璉市二嶽祠在

餘三處皆廢今復以舊志之不載者附錄於編 東林

土地廟在歸安縣舊志不載其詳 按廟碑神姓許陳辛

之立已近千載則神之廟食遠矣舊基在山北有靈鳥

銜鼓於山之南廟遂遷焉建炎四年金人渡江所至屠戮游騎距廟十八里居人震恐祈禱於神誠無故自遜

會有傳者云賊見旗幟互數里謂有大軍故云人以神威靈若部之紹興初侍郎李宜

白於朝封顯應侯尤仍其舊

石冢廣陵侯廟舊志所無據廟中碑文載之 按宋禮部

翁記神姓陸名圭世為昭慶都人生於宋熙寧間幼時

勇猛神異以祖澤補右爵兩調為湖州真州兵馬都監宣和中大歎發粟振飢存活百萬計適方臘弄兵東南

大震軍帥調公駐浙江進嚴澗與賊戰合賊敗績而遁師還錢塘以卒遂為潮神紹興間海濤衝激江岸民不遑安神役陰兵治之潮勢遂平嘉定間夏飛蝗蔽天

神見雲端驅之蝗不為害瘴祜間錢賸江復大決有司
隨築隨圯神與三女揚旂空中浮石江面以顯其天隄
賴以成浙西帥臣徐東實董斯役以其事聞於朝乃賜
額曰協順封其爵曰廣陵封三女為夫人立廟是邦地
曰石豕生英靈歿昭不可掩環千里之地家祝而鄉祀
奚啻子若孫之與祖禰所以蓋覆斯民歷千載彌一日
炳乎不可誣也朝廷頒爵命案廟
貌於禮實宜水旱疾疫有禱輒應

吳興志吳文皇帝廟在史涇即太子和別廟也

長興縣

吳夫槩王廟在東南一里

吳興記云吳王闔閭使其弟夫槩築城於此又一所在洛陽

陽圖經作吳王棠谿氏廟

漢錢卿廟在西北四里舊圖經云彭祖四十六代孫錢卿名朔字幼子建武中為黃門侍郎代郡太守卒有靈
永平七年立廟於柯里邨置吏十人供其灑掃唐貞觀

元年重修

陳聖子廟在縣東九里舊圖經云陳武帝微時行息一
楓木下忽見一人云子當富有天下及武帝卽位不知
其人所在乃於楓木邊立廟享之名曰聖之子其廟唐
末猶存

堯氏廟在堯氏山下皮日休茶詩注云有堯氏廟及羿
后廟在顧渚山口

謝太傅廟在縣南三鴟岡廟前卽其墓有治平四年知
縣事吳濤修廟碑

斫射神廟在顧渚唐張文規廟記云斫射神圖籍所不
載會昌二年予入山修貢先遣押衙祭以酒脯及到山

茶芽若抽泉水若傾因建祠宇繫之祝祠貢茶院面虎頭巖後曰顧渚右斫射左懸曰

漁陂王廟在縣西南包山舊經云吳夫槩養魚於此故號漁陂王廟

五酉季王廟在合谿鎮賢良祝鑑爲記以爲五酉有吳之譌季王季札也

武康縣

防風氏廟在武康邑境有二其一在縣東二里地名清

穆一在封禺二山之間風渚湖上統記云廟在封禺二山間徵異記云晉元

康初中夜見有人坐武康縣樓上身長數丈垂膝至地

縣令會稽賀循知之曰此地本防風氏之國其防風氏

之神乎遂立廟於縣之東錢氏

封爲靈德王號靈德廟有石刻存

淵德廟在響應山下碧玉潭側潭水齋激神龍居之唐
元和八年縣令劉訥禱雨有驗始載祀典本朝元符元
年邑人大旱縣令毛滂馳禱未出山而雨自是有請必
應刺史蔣之幹遣烏程傅禱雪卽如所請以其事聞敕
賜今額建中靖國元年邑人相與立祠宇毛滂有記刻
石在廟乾道三年知縣張端友重建

蔣靈帝廟在縣前谿南漢末蔣子文之神也吳立廟於

鍾山不詳此邑創廟之自統記云蔣帝廟神姓蔣字子

權時有人書行於鍾山遇子文朱衣白馬謂曰爲我報

吳王爲我立廟於此吳王聞之爲立廟於鍾山南封爲

晉師所之封爲王齊東昏侯封爲帝
銅官趙監廟在縣西北十五里銅官山吳興記云昔漢

末吳王渙鑿山采銅監姓趙遇山崩壓死記以爲神因

爲立廟水旱必禱公私皆有憑驗後唐同光中敕封通

靈王至清泰二年封福善保仁王

州東南亦有解宇

梓華廟在武康縣黃隴山

統記載宣驗記云廟本在錢塘爲錢塘令盛凝所焚遂移

祠於此

沈尙書廟在縣南一里尙書沈伯儀也

統記云沈伯儀武康人有儒學

解褐授太子文學國子祭酒

樊將軍廟在縣南上百步地號樊宅漢舞陽侯樊噲是

也

餘英志云樊噲少失父從母嫁沛中遂爲沛人今其地有古井見物怪人不敢汲

陳許二侯廟在縣東北隅吳越錢氏時建祀典失其名

舊編云二王廟故老相傳爲陳許二王廟云

嶽帝廟在縣西北隅崇福里元符三年建

靈濟廟在縣治東北清風里潭熙十二年建

九沈廟在沈壁山號九沈公

舊編云沈氏初徙居山下兄弟九人山有峰頂各立

廟一

旌忠廟在楊村乾道初樞密楊傑爲父請於朝賜今額

郭先生祠堂在武康縣北十五里郭林村卽晉郭文也

文河內軹人晉中原之亂避地江南步擔入吳興餘杭

餘杭卽武康舊境

謝安聞其名迎置西園今祠堂南有郭林橋

西有招賢山皆文遊息之地

貞曜先生祠堂在縣西懷安門外一里地名孟宅保卽

唐詩人孟郊也地蓋其舊居

郊卒門人張籍諡曰貞曜先生

德清縣

孔侯廟在城山之陽舊圖經以爲孔愉從子嚴爲吳興太守立廟於此今耆市保廟乃廟食之處孔侯廟乃墓前祠堂後因爲廟廟後有大家甃甃半路上有古木數株堅如鐵石千歲之物故老相傳愉葬後龜銜窠木種於此至今號龜銜樹

沈麟士廟在吳羌山之陰面大谿墓在廟後

蘭相如廟在縣東二十五里係金鵝鄉界

見舊編

孫王廟在縣東南四十五里孫皓父孫和之祠也

見舊編

安吉縣

朱明府廟明府墳在其後因廟食焉神名紀吳揚州別

駕偏將軍

施明侯廟在梅谿鎮神爲晉尙書左丞相征西大將軍施彬以征討有功詔封中涓侯彬父先爲青州牧封安吉侯至是彬上表請縣之住宅南空地爲食邑其後遂廟食唐大中三年重修七年二十四代孫公贊作記石刻見存

仁濟廟在縣西北三里俗呼爲落石大王卽唐李靖也靖揜輔公祐有功於此邑人祀之崇寧三年賜仁濟廟額後封惠武侯進封忠惠景武公又進封輔世靈佑忠烈王供有誥詞碑記在廟

靈濟廟在縣西北常樂寺東已廢吳興志紹興五年建

大目祠龍王廟在縣西南金石鄉廟有龍井遇旱祈禱
甚靈響又有古杉侵雲上已枯槁枝葉鬱然父老相傳
僅百餘年

白蟻神廟唐嵩岳天師吳均煉丹於吳山有白蟻竊
而吞之丹發躁甚走至黃村自沈於水而死其後有
靈頗狂怪故不錄

寺院

州治

鴻禧寺在子城西北統記云一百二十步梁大同二年
侍中蕭翼捨宅建舊名寶勝寺唐會昌中廢咸通十二
年僧法珍請爲崇福寺龍紀元年改寶勝寺

統記作寶聖晉

天福二年錢氏改廣慧崇益寺

統記作建隆元年吳興郡王錢僊奏乞改額爲

廣慧崇益寺

本朝大中祥符二年改今名

統記云景德二年

飛英寺唐咸通五年忠顓禪師募眾建刺史高湜表請

爲資聖寺中和五年改爲上乘寺 舊圖經云在白鶴

鄉咸通十三年建爲資聖禪寺中和五年改上乘寺寺

前有石甃洗馬池寺內有舍利石塔白蓮池二所唐刺

史高湜劉植杜儒林有詞吳興郡王錢僊詩云兩岸槿

花紅步障一行山色綠屏風景物可想本朝景德三年

改今額續圖經云改上乘寺當開寶五年改今名當祥

符元年 舍利石塔院在寺西有上乘寺石塔舍利院

本浮圖碑云僧云皎咸通中飛錫長安僧伽授以舍利

七粒及阿育王飼虎面像遂歸建塔始中和四年成於
乾寧元年凡三十七層高六十五丈開寶中有神光見
於絕頂遂復增建木塔於外紹興庚午歲雷震成燼知
州事常同因州人之請復立是塔舍利無恙今又建木
塔云

廣化寺在子城西統記云二百步卽吳興郡王錢僊第
僊歿後捨爲寺號正法明舊編云當開寶四年 本朝
景德三年改今額西廊有子院號寶藏教院院之經軸
皆題曰正法明寺 殿後有鐵塔九層乃恭義王祠卽
僊也

大寧寺在儀鳳橋南本福田院唐開元中建州舊有大

寧寺在北正尾今報恩光孝寺也崇寧二年詔諸州置

崇寧萬壽寺郡以大寧寺應詔遂移寺額與所居尼于

福田院寧化寺在府東北二里舊傳古防風氏宅會昌

元年刺史張文規置今廢統記云今人往往於寺夜見巨鬼坐股垂足於地寺有杉

松院院中有古塔及鐵文殊像

楚帝寺在東北一里古項王廟也梁太守元仲景夢偉

人羽葆甚盛請居宅爲寺遂捨宅建昭明太子撰碑以

陳封項王爲楚帝因呼楚帝寺今廢見統記

德本寺在府北前石橋後石橋之間今不存郡學文宣王廟碑陰

載郡人徐導居德本寺之後石橋敘事頗詳

報恩光孝禪寺在子城北陳永定三年章皇后捨宅建

見舊唐書名龍興寺神龍二年改孝義寺有徐陵撰碑十中

宗時復舊名會昌五年廢次年再置長興二年錢氏改

爲大寧寺據統本尼居也其地曰章后坊有唐經幢十數皆刻尼名

本朝崇寧二年改爲崇寧萬壽寺紹興七年以崇奉徽

宗香火賜報恩廣孝十二年改今名統記云文殊堂額顏魯公書之又有

謝安石碑裴清撰今不存

開元寺在子城西統記云一百二十步天監中尙書右僕射徐勉

以居宅有慶雲之瑞捨爲尼寺號八政武德元年改居

僧開元二十六年改今名殿內有明皇眞容武宗初例

廢會昌五年奉敕再置見統記辭達有寄湖州開元寺

座主詩曰傍城花柳覆精廬氣象可見寺東廊有廣福

院奉觀音像西廊有智者院居教徒奉普賢像寺屢經回祿之後今惟存廊廡觀音廣福院因別立門

興國寺在府東南一里南齊給事中徐係祖捨宅爲寺

今廢

統記曰係祖初爲青州刺史造石佛像二軀及還江東其像堅重不可載行及松江風雨夕晦石像

偉然在側舊編載舊圖經云四水至州南吳國寺前合爲雲谿至江子匯左右唐初寺廢移額於千金今名無寺

天聖禪院在子城北唐中和二年郡人吳言捨宅建刺史王鸞表請爲景清禪院本朝天聖八年罷改今額宣和中改院爲神霄玉清萬壽宮建炎元年罷宮名復爲寺殿有鐘唐咸通中鑄刻景清禪院經一藏唐天祐中爲本皆題保聖寺

景德禪院俗稱小景德院在子城南舊經云在歸安縣南茗谿坊錢氏時楊順捨宅建得額爲霅水傳經院續圖經云建時當乾化四年得額當貞明三年本朝大中祥符元年改今額 舊圖經云乾德四年後有彌勒教院

能仁院在駱駝橋東錢氏時刺史錢照晏建舊名法照本朝乾道元年後大中祥符元年改承天院政和七年改今額

報本禪院在飛英寺西錢氏時州人蔡延禮建舊名淨土吉祥院本朝開寶七年後大中祥符二年改今額 廣福觀音禪院在子城西乾興初有僧鑒眞鑄鐵觀音

像置開元寺東南隅後經火災就故址建殿宇廊廡等五十餘間號鐵觀音院熙寧元年賜壽聖觀音禪院紹興二十二年改今額

廣福施水禪院在子城西本朝至和元年州人請於鴻禧寺前建屋施水後增至六十餘間熙寧元年改今額舊編作紹興二十二年恐誤有故相惇祠

章惇祠

景德教院在定安門內統記云在縣南三里梁貞明中吳越武肅王第三子湖州刺史錢傳璟建名保安後又重修宣德軍節度使錢信撰記當本朝開寶八年太平興國三年敕立戒壇景德二年改今名賜金書額嘉祐中災治平三年僧懷秀重建紹興八年寺僧請爲教寺

今兩廊爲睦宗院 舊圖經云在龍華里唐天祐十七
年建天祐十九年給額爲保安寺

空相教院在州城西北隅舊名彌陀懺院不詳元置事
因治平二年改今額大觀二年有僧請爲十方教院歲
有期懺會

忠日教院在子城西北錢氏時楊續圖經庭禮捨宅建

初號報國看經院後改今名

證通教院在子城東南花樓橋南錢氏時朱可賓捨宅
建當石晉開運元年舊名保安院 舊圖經云東保安院
治平二年改今額紹興四年爲教院

告成教院在月河錢氏時銀青光祿大夫錢德安建舊

名正眞院當周顯德六年本朝大中祥符二年改今額
紹興十二年爲教院

慈感教院在定安門內橫塘嘉祐中知州事盛申甫始

建於迎禧門外舊編作元年續圖經作六年按太守題名盛申甫於二年到任五年罷皆非也

俾僧行主楚露毗號利濟院元豐初僧法源增廣之待

制章衡爲記大觀元年改今額建炎三年郡人慮院在

城外或屯寇盜徒置今處寺有珠羅漢漁人得之蚌中偏袒右肩矯首左顧如行脚

相衣紋畢具郡人劉燕作傳石刻在寺

郡安院在子城東北唐光啟中續圖經作景福刺史李

師悅因郡人捨地建乾寧中賜額今居尼

普寧院在子城西唐光啟元年刺史李師悅建號護國

保安院錢氏改普提保安院後改今額居尼

烏程縣

顯化禪寺在縣南二里峴山崇寧四年以澄悟禪師塔
祈求有驗始賜今額其塔號定應

圓證寺在縣西北一十五里卞山唐大歷中有僧惠政
坐禪四十年元和五年故宰相于頔表上其事賜名聖
壽寺會昌三年刺史張文規積石貯泉曰浮空潭又以
水似伊洛改名思洛又作泣玉亭本朝治平二年改賜
今額祥符圖經已作圓證寺未詳

惠覺寺在縣西北一十五里法華山梁普通二年建號
法華寺寺有偃松九曲池流杯亭望湖亭唐刺史常明

敷李嗣盧幼平崔元亮張文規有詩本朝治平二年改

賜今額

舊圖經作法華寺

普靜寺在縣東南九十里烏鎮梁天監中司空沈約捨父墓地建光福寺約先葬父於此今寺殿基卽其處約歲時來展墓武帝遣昭明太子迎之約不自安乃遷葬以地爲寺本朝大中祥符間改今額

密印寺在普靜寺側梁昭明太子之館也沈約展墓昭明館此約捨墓地爲寺昭明因以此館別爲一寺今約與昭明爲二寺伽藍神舊有碑刻

大覺寺在縣東十八里西余山舊名寧化本朝治平二年改今額

妙果寺在烏鎮元祐中建尼寺也

喜有院在縣東四十里舊館唐光啟中建見續圖經舊編云蕭梁時建號聖嘉院錢氏改今名

圓明院在縣東北四十五里上林錢氏同光中建名看經院後改廣濟院

布金院在縣東北七十里湖上喬濃廣順十年錢氏建名觀音院

法忍院在縣東北四十五里輒邨錢氏建號善慶院

護聖萬壽禪院在縣南十二里道場山唐中和閒有如訥禪師出巡禮師曰好去逢道卽止訥經此山問何名父老曰古傳號道場因欲留止父老曰此山多虎訥策

杖直上坐盤石虎伏其側經三宿無所傷因結庵使居之今號其處曰伏虎巖後起廊廡佛殿塑千羅漢於中吳越王與額爲吳興正眞禪院續改爲寺郡守錢信王洞皆有遊道場山詩文多不載本朝改妙覺寺祥符圖經尙曰正眞禪院元豐三年知州事陳侂奏改賜今額寺旁有笑月亭愛月亭

移惠崇報禪院在湖南十四里何山元嘉十四年張劭

正道祚其建號禪幽寺有式道人碑碣

見統記舊圖經作何山院會昌

中廢碑亦不存

本朝天聖中改宣化禪院乾道初開府趙伯圭

請爲秀安僖王功德院賜今額

觀音禪院惠覺寺子院也蕭梁時尼總持道場唐大歷

中法華寺僧大光和尙於其地建觀音懺院

見舊編續圖經蕭梁

作朱梁大歷中作開寶四年惠覺寺僧續圖經誤

錢氏時改今額

當太平興國二年唐丞相

李仲乾資中神異碑

寶積禪院在縣西南二十七里杼山舊在金斗山梁大同七年初建號妙喜寺以東方有妙喜佛國故名唐貞觀六年始移額於此寺多古迹顏真卿杼山妙喜寺碑載甚詳顏公與李萼陸羽等於此撰韻海鏡源刺史盧幼平及李萼張著陳古陸羽蔣至皆有詩

文多有僧如不載

畫祠

詳見杼山下

後改今名

舊圖經統記並作妙喜寺

本朝治平二年改

今額

護國仁王院在仁王山唐咸通中賜今額

護國羅漢院在縣東四十五里上陂唐光啟中僧道聰

建

續圖經云景德三年繁昌知縣郝良撰修佛殿記云梁乾符初建據蕭梁朱梁並無此號唐僖宗嘗改號

乾符去光啟不遠

本朝景德三年賜今額

上明院在縣西南五十四里官澤宋元嘉中青州刺史

錢饗冀州刺史錢產捨宅建寺錢氏號爲上■院周顯

德中避諱改今額

寂照院在縣東北四十五里號驥邨唐光啟中建號靜

居院自後院十六所並本朝治平二年改賜今額

本覺院在縣東北三十里湖上五浦唐光化中建號興

福院

超果院在縣西南三十六里麻谷邨唐龍紀元年建號

龍紀院

淨眾院在縣南十八里下菰塘唐元和十四年建會昌中廢天復三年有僧立庵以金蓋道場名上金院

寶林院在縣東六十八里湖上新浦廣順二年錢氏建號永寧院

金文院在縣東北十三里外莊邨乾德五年錢氏建名看經院

慈雲院在縣西四十九里姜邨錢氏建名龍安有龍湫法印院在縣西南四十九里章宅乾德五年建名崇德院

明心院在縣東五十四里東遷初號寶光興法院

興善院在縣東北二十七里湖上義高邨錢氏建號善

慶院

慈恩院在縣東南六十里馬要邨錢氏時建號興國院

多寶院在縣北二十里卞山元號西峰塔院乾化二年

錢氏建號西蠻院以上十六所並本朝治平二年改賜今額

廣福禪院在縣東南九十里烏鎮本朝治平中建熙寧

中元年名壽聖隆興元年改賜今額以太上皇后稱壽聖今故改

昭感院在縣北十八里湖上吳越錢氏文穆王領兵拒

南唐至此有異夢遂建院名瑞現舊編云夢泗州大聖言泛海而來翌日得

之湖上遂建寺本朝端拱中鄭建記有右刻大中祥符元年改

今名見續圖經舊編云治平中

福田院在縣東十五里謝邨基本謝靈運故宅唐大中
年閒建續圖經舊編皆作戊戌歲按大中元年歲次丁卯正十三年已卯有戊辰戊寅甲戌無戊戌年

也當

大順中改今額

嘉會院在烏鎮本朝紹興初建號壽聖下院後移本州
廢額於此

利濟院在縣西二十五里棲賢邨仙人頂本朝紹興初
僧明辨建漳熙中移安吉縣廢額爲名

常照院在菁山建炎中僧梵隆建因請廢額爲名

顯親隆報禪院在縣西一十里卞山本朝政和二年中
書侍郎林攄請置功德院賜額

承慶薦福禪院在縣西北十二里本朝建炎三年前宰

宣元一三
相徐處仁之子康於父墳請置功德院賜額

積善教忠禪院在縣西北十二里本朝建炎三年資政
殿學士葉夢得請置功德院賜額

崇因薦福禪院在縣西三十五里華嚴山舊名嘉會院
本朝紹興十三年尙書右僕射朱勝非乞於母秦國夫
人墳所置功德院賜今額

崇報勝因禪院在縣西二十五里後董村本朝紹興初
丞相沈該請置功德院賜額

旌忠崇先禪院在縣西南四十五里唐正觀中覺聞禪
師建號景山寺本朝隆興元年檢校少保張子益請置
功德院賜今額

報嚴彰孝禪院在縣東夾山

歸安縣

舊圖經載寺院三十四有法照院東保安院多慶院福田院霅水傳經院景德寺本縣圖經載在城十一所光孝慈感天聖報本能仁告成證通飛英景德郡安大寧城外二十九所除在城內者附見郡志其在城外者如后

獅子吼寺在縣南崇禮鄉射邨吳太元中有居人劉鉞嘗與費長房覩空中奇獸金毛五色哮吼之聲三振遂奏捨宅爲寺因以爲名唐會昌中廢中和二年重建本朝天聖壬申歲僧有感等起三門及軒廡景祐乙亥畢

工有記在寺慶元二年重建編修沈瀛述記

祇園寺在縣西南東林齊永明三年建號大乘寺本朝
治平二年寺東廊有呂仙像在薛荔中有塔在山頂

見圖

經舊編及
沈東老事

鹿苑寺在射邨梁大同元年處士夏份捨宅建寺後廢
唐大歷三年沙門明哲募緣請重建詔賜名永興寺元
和五年鄉貢進士吳行周撰記有鹿苑神闢龍宮化來
之言其莊嚴可知又云郡守工部尙書顏公篆額卽顏
真卿也本朝治平二年改今額隆興元年僧元堪募緣
重修佛像侍郎葛立方宗丞沈詢進士吳椿有詩并記
刻石

精舍禪院在施渚陳永定中青州刺史管聚捨宅爲院
見舊經統記載管聚捨宅後再到游覽題詩有昔捨家
山爲梵宇今來此寺覽遺蹤之句又白樂天詩寄題曰
慣遊山水住南州行盡天台及虎丘惟有上強精舍寺
最堪游處未曾游又唐中書舍人李百藥御史大夫高
知周金部郎中錢起鄧州刺史唐大中元年改爲禪院
史郎士元各有題詩在寺

中有井廣半畝水甚清泚中有靈鰻長數尺背有金線
俗呼爲鰻菩薩井殊靈異水旱如禱卽見井面

無爲寺在縣東南福增鄉千金里晉王衍捨宅建見舊

及舊經云見興國寺碑竊詳王衍在東晉時已死唐時
於夷虜何從有宅在江南不知寺碑之言何所據

土人馮倫沈演復建移郡城興國寺廢額榜之會昌中

廢咸通三年又建鄉貢進士張蟾撰記記略云華開寶

堵興而門戶開萬楹疊而廊廡對寺有名僧五千人其雄偉亦可見也本朝治平二年改

今額

黃巖禪寺在縣西南至孝鄉唐邨唐中和三年建錢氏

時號長慶院

本朝治平二年改今額見舊編據舊圖經

初置歲月後唐清泰元年重建黃巖

云唐中和三年建是一院而重載也

開化院在縣東南孝仁鄉侯邨晉永嘉元年孫德宗捨宅建唐會昌五年廢錢氏重建號菩提寺當周廣順三年本朝治平二年改今額

鳳山院在縣西南廣德鄉宋元嘉四年遂昌縣令潘琮捨宅建錢氏改今額當本朝建隆元年

棲真禪院在縣西南延邨唐咸通六年姚恩捨宅建號孝義院本朝治平二年改今額

覺悟教院在松亭鄉思谿邨唐咸通十四年金州刺史
劉某捨宅建號覺觀院會昌中廢本朝咸平以來始建
大殿法堂諸天閣改今額據舊編云會昌中廢咸通中
復興又云治平二年改今額
按舊經云唐咸通十四年劉使君捨宅建
作圖經時已號覺悟非治平二年改明矣

淨慈院在太元鄉含山唐乾符三年沈從昭捨地建號
含山院本朝治平二年改今額山頂有塔

瑤山院在瑯市唐初郡有通瑤寺廢會昌三年請額建
此咸通二年改今額

禪智院在縣東南三十里竹墩唐咸通十五年沈思立
建號大乘禪院錢氏時沈思蘊重修當後唐同光四年
又改名廣福羅漢院當周顯德六年也本朝治平二年

改今額

宣妙院在縣東九十里鄉郭古博邨唐乾符五年進

士蔣子友捨宅建號興福院本朝治平改今額

據舊經有興福

院無宣妙院舊編有宣妙院無興福院鄉分年代俱同故知宣妙即舊名興福也

尊勝院在縣西南九十里至孝鄉銅盤邨不詳初置歲

月錢氏重建號寶善院當周顯德五年本朝治平二年

改今名

妙嚴院在縣西南九十里至孝鄉莫邨錢氏建當晉天

福八年

無相院在縣西南一百里至孝鄉莫干山錢氏時建號

莫干院本朝治平二年改今額

演教院在縣東南三十里荻岡錢氏建號興福院先當
周顯德二年本朝建隆元年重建治平二年改今額
上乘院在縣東四十里增鄉靈山邨未詳初置年代錢
氏重建號清靈院當晉天福七年治平二年改今額
悟空院在縣東南二十里松亭鄉湖趺邨不詳初置年
代錢氏重建號正福院當唐乾祐二年本朝治平二年
改今額

淨業院在縣東南二十里松亭鄉沈灣本名沈灣禪院
不詳初建年代錢氏時重建號普光院當周顯德二年
也本朝治平二年改今額

青蓮院在縣東南二十五里松亭鄉石豕唐大順三年

建景福三年賜額名報恩

見舊經據舊編云
乾寧元年賜名

本朝治平

二年改今額紹興二十六年僧齊岳鼎新重建劉一止

爲記

興慶院在縣東南九十里屠邨錢氏建

舊編舊經俱
不載年月

金地院在縣東南九十里清風邨初號清風院不詳始

置年代本朝治平二年改今額

廣福禪院在縣西南九十里中山頂上不詳建置歲月

按舊經有資福庵在縣南至孝鄉北齊乾明二年重建
而爲此院舊編及本縣圖經卻有此資福庵至孝鄉在

縣西南九十里
即此院也

顯親教院在縣東南六十里熟梅邨紹興八年即唐廢

寺基建賜額

圓覺禪院在思谿宣和中土人密州觀察使王永從與弟崇信軍承宣使永錫創建賜額爲慈愛和尚道場寺有塔十一層及有藏經五千四百八十卷印板作印經坊

妙因院在菁山嘉泰中武經郎張思恭移廢額以待雲遊

崇勝院在歸安縣西南孝仁鄉施渚鎮晉永嘉元年孫德宗捨宅建會昌五年廢錢氏重建號幽巖院當周廣順三年本朝治平二年改今額

長興縣

大雄寺在縣西北一里陳文帝天嘉元年爲皇考始興

昭烈王太妃所立也本號報德寺周弘製寺碑唐會昌二年縣令俞巖奉敕重建治平二年改今額字石曼卿書寺西偏水陸寺院有疏瀹池仰止亭東有秋音亭寸碧軒嚴壑齋

慧隱道虬嘗住持見郡志僧道下

空王寺在縣西北天居邨錢氏時建名天居寺本朝治平二年改今額

寶相寺在縣西曲水邨陳大建五年建名曲水寺本朝治平二年改今額慧豪慧暢住寺

見郡志高僧下

大雲寺在縣西南四十里方山齊永明元年置號方山寺本朝熙寧中有僧析竹絲織爲佛至今存號竹佛

後改

名今

習善寺在縣西南百四十里齊永明元年置本朝祥符
中脩有釋靈采記治平二年改爲證心院後復今名
舊編以爲治平後又改今名按
統記作於潭化時已載集善寺

普安寺在縣西十六里陳永定二年蔡州刺史柏顯度
所建名陳興唐天寶四年改爲唐興錢氏又改名長興
本朝治平二年改今額

曉覺寺在縣西南百十九里洞口齊永明元年建號齊
明唐天寶四年改今額

離相院在長興縣西南六十里佛川宋元嘉元年建吳
均入東記云是年有石佛自川中湧出因建寺以佛川
名之唐天寶中重建本朝治平二年改今額

廣福禪院在縣西三十里合谿宋元徽五年建號飛雲

寺舊圖經云寺側有風穴故雲霧不得謁鬱於其間故名本朝治平二年改今額

崇觀間僧元禮作飛雲堂劉燕有詩刻

上吉祥院在縣西北三十五里水口額本陳大建五年

置在武康唐貞元十七年刺史李詞表移置貢茶院會

昌中廢大中八年刺史鄭顥奉敕重建

廣惠院在縣東九里下籍陳高祖故宅也光大元年詔

立爲寺號爲天居慧篆住持精於學業唐初經輔公祏

焚毀珠寶悉散失惟餘尙書左僕射王績撰碑碣後復

建至僖宗時名崇光院本朝治平二年改今額

制勝院在縣西九里鼂畫谿舊號清異寺梁大同元年

江州刺史錢道居捨宅爲寺唐會昌中廢錢氏重建天聖景祐間增修院後有谿光亭

以上寺院十所舊圖經統記並載舊編云寺有

畫羅漢與慈氏院畫皆管洞筆

廣福院在大雄寺東本寺之子院也號報德常住院本朝熙寧初賜名壽聖院僧淨瑞主之爲禪席後改教院有塔有經藏隆興初更今名

下吉祥院在縣北上步邨舊名崇興院不知始建年月本朝治平二年改今額

慈光禪院在縣西南果尙邨唐景福二年建號果尙本朝治平二年改今額

清涼禪院在縣東南和平鎮錢氏建號化城庵本朝治

平二年改今額

普濟院在縣南湖南山錢氏建號保壽寺本朝治平二年改今額

孝感禪院在縣西靈山本朝元豐中丞相章惇爲母請建功德院賜額

承慶報慈禪院在縣西北赭石山本朝建炎中樞密劉珪請建功德院賜額

解空院在縣南四十三里吳山錢氏建名保安本朝治平二年改今額

國清院在縣西南洛陽唐天順二年建本朝治平二年改今額

寶隱院在縣西南魚陂唐天寶中建

事見僧如畫作明禪師塔銘所

謂魚陂道場也錢氏改名空隱本朝治平二年改今額及賜二銅鐘院有明心亭

梵慧院在縣西南四安鎮唐咸通中建集雲寺本朝治平二年改今額舊編云建炎中金虜遊騎縱火至藏院經輪自轉有聲如雷火亦遂滅賊遂散去有江東汪用汝記

饒益院在縣西北應山錢氏建名應山寺本朝治平二年改今額

定香院在縣東北彭城沿湖舊號國安錢氏改名護國本朝治平二年改今額

梵業院在縣東北高塘沿湖錢氏建號護明本朝治平二年改今額

定慧院在縣北無胥邨沿湖錢氏建號報國本朝治平二年改今額

慈氏院在縣東南和平鎮晉日南太守莫封宋元嘉元年捨宅爲寺號新安唐僧如畫有碑銘本朝治平二年改今額

三學院在縣西南午山錢氏建號看經院本朝治平二年改今額

正覺院在縣西南九龍山錢氏建號九龍本朝治平二年改今額

化城院在縣西南曉覺邨齊永明元年建號齊明唐天

寶中改爲曉覺本朝治平二年改今額

龍華院在縣西南呂山唐咸通十五年建號普廣本朝

治平二年改今額

辨利院在縣東南卞山白鶴嶺紹興三十二年賜額

武康縣

大慈寺在武康縣東五十步統記云百步梁普通六年八月

建名寶相統記作保相唐漢陽王張柬之爲碑續編及餘英志不載碑事後唐廣順元

年邑人唐君師捨宅重建本朝乾德五年僧道興重修

治平二年改今額寺有神鐘記見事物雜志

證道寺在縣西二百步南齊建元元年置餘英志云以邑人祕書郎

沈密舊居建名齊昌唐天寶四年改名永安建隆三年縣令

羅文圭重建治平二年改賜今額

舊編云門對大谿南望羣山最清勝餘英

志載毛澤民游證道寺詩有更看餘勝一夜春之句統記又云沈密為其寺碑

靜林寺在縣西三里孟宅保西梁大同四年十月置唐

咸通六年齊偁禪師更造

舊編云九年改今額餘英志云寺瞰谿流相為勝絕寺有

妙峰亭妙行堂壺中軒載毛澤民及葛文康詩詞葛公詩有云妙行堂前聳碧鮮壺中軒外疊磧欹軒外疊石為山也又云吳興記稱寺有唐張柬之碑今碑僅存字不可辨

禪靜寺在縣西北七里招寶賢山唐顯德中建名招賢

本朝治平二年改今額

寺有集翠堂留芳軒玉醴泉餘英志載毛澤民集翠堂詩禪靜

庵詩葛文康留題

皇覺寺在縣東北十五里鳳凰山後漢述善侯沈戎故

居地名沈碧沈氏世居之宋元嘉三年戎之八世孫司

空慶之吏部尚書曇慶五兵尚書懷寧光祿大夫孟暉

等請以始祖宅爲寺文帝以述善侯有功於人人懷其

德錫名懷德唐天復九年重建改名永德本朝治平二

年改賜今額

餘英志云始開山時術者以此山有鳳翹形鑒之必異既而舉錫若有鳳凰飛去

翠峰寺在縣東北三十里小山之麓

統記作小山寺

宋元嘉元

年建僧法瑤嘗住持

事見郡志高僧下

齊永明三年改爲尼寺

本朝大中祥符元年改今額復爲僧舍寺有塔七層

餘英

志載毛惲民游翠峰寺詩及題塔院詩

廣福尼寺在縣東南大寶山慶元六年以廢額建

建靈寺在縣北一里

統記云晉義熙二年八月晉車騎將軍沈充捨宅爲寺今廢

龍光寺

統記云縣東北三十里宋元嘉三年九月置其中卽車騎將軍沈充別館今不存花藏尼寺餘

英志云在縣東

二百步今廢

等慈尼寺

餘英志云在千秋橋西南今廢

千佛寺在縣東南十五里鳳凰山下梁大同二年建名

報德本朝治平二年改今額

琳師有千佛寺避暑詩

仁王院在縣東二十五里秀峰山本朝建隆元年錢氏建

名羅漢治平二年改今額

大安院在大賚山本朝開禧六年錢氏建

禪居院在縣東南三十一里金井山本朝乾德三年錢

氏建治平二年改今額

圓覺院在縣南十五里龍口山梁普通三年建名智業

本朝大中祥符三年改今額

舊編云唐大中二年改

報慈資福禪院在縣東北三十五里三班邨紹興十三

年參政范純禮請為功德院見舊編餘英志云在縣西南十五里金華山

思嚴孝親禪院在縣南二十里大賚山乾道九年節使

王槩建舊編云王晉錫請為功德院

淨因院在縣北百五十步唐開元中建名開元院舊編云大

中三年建本朝治平二年改今額有藏經五千餘卷嘉祐元

年造

護國禪院在縣西北二十五里石頤山唐咸通五年建

景趣幽絕有偁禪師坐禪石及虎跑泉清澈無底舊編云偁

師以結庵有一虎常隨之師以乏水為憂虎跑地得泉

因以為名餘英志載毛澤民游虎跑泉石頤山詩葛文

康留宿石頤詩云住山偁老富心機云云何須兼

住兩招提益偁師建兩伽藍冬居石頤夏居靜林

隆教院在縣西北十八里銅山之麓石晉天福三年建

周顯德中名資福本朝治平二年改今額建中靖國初

僧維琳居之餘英志琳號無畏大士受知蘇公軾與毛滂酬唱甚多院內有無畏

庵內苑橋外有清奏亭古月泉擎天松後有牛頭峰緩

步隄毛公堂皆師所創

定空院在縣東北七里梁普通六年建名永昌治平二

年改今額寺前後皆梅毛東堂有定空寺觀梅樂府寺後有白雲亭掌琳師有詩院在煙霞鳴

福慶院在縣南十八里上陌步本朝乾德四年錢氏建

名鎮安大中祥符元年改今額院有翠屏軒秀巖亭毛東堂有詩刻石

體寂院在縣西南二十里中山唐咸通三年建中和元

年賜今額見舊編而餘英志乃云失建置年月西南有虎鹿冢舊編載佛日禪師居

此院道行高潔常有一虎一鹿隨之一日虎獨歸而鹿不至師意虎害鹿薄責之虎屏氣徐出須臾負一死鹿至前虎亦斃師并瘞之

號虎鹿豕餘英志同

定光院在縣響應山下本朝建隆三年錢氏建名寶安

治平二年改今額

古蹟並見響應山下

章法院在縣西南二十六里前邨山本朝治平元年建名延壽二年改今額

達觀院在縣東北三十六里獨蒼山梁大同中建號龍巖本朝治平二年改今額

永光院在縣西北三十五里天泉山建隆二年錢氏建寶福院在縣十五里上陌步乾興元年建

護戒禪院在縣東二十五里龍山下本朝太平興國中

錢氏建號福慶治平二年改今額

崇福密巖禪院在縣北二里烏回山紹興七年賜額奉
懿節皇后祠

資福妙靜禪院在縣南十八里雞鳴峰紹興二十四年
衛茂實請爲功德院

崇孝院在縣東北三十里翠峰潭熙六年參政施鉅建
報恩資福禪院在縣西南二十五里大安嶺潭熙八年
少保鄧從義建

雲岫禪院在縣東七里石井山潭熙八年建

右寺院三十六而廢者四據統記所載懷德永安寶
相小山靜林建靈龍光止七所而建靈龍光已廢存

者五而已其他皆未置雖置而名未顯今據諸書所
載序者三十有二而九所建於紹興以來入爲大官所
請功德院豈非郡爲行都輔郡而本邑山川特秀士
大夫多擇葬地於此而然耶 十佛院 云

德清縣

大中乾元寺在縣南十里天寶橋南吳羌山之陰梁大
同二年戴可先捨宅爲寺大殿棟宇巍然釋迦寶殿四
宇梁武帝書大中乾元之寺六字唐柳公權書寺舊有
塔本朝乾道中沈作式重建初成鎧火闔邑人呼之爲
腰金塔 不數歲鄭聞沈復李彥穎
韓元吉相繼爲執政侍從

壽聖寺在縣東三十六里韶邨寺記云基四百畝谿水

環繞梁天監五年青州節度使沈子真居宅一夕鐘磬
自鳴堂前井中放出毫光俄有龍騰空而去子真遂捨
爲寺武帝賜今名

統記云會昌六年置

先建大殿宏壯高峻皆香

柑木殿有三世佛佛碑石曼卿所書在彌勒像前吳越
王病目聞此井神異取水洗之卽愈因賜旃檀香作井
欄唐太宗皇帝亦賜御書佛賦逍遙詠急就章四十餘
卷寶函鎮寺唐咸通中刺史高湜重修大殿其後弼陵
沈氏別立禪院於寺後號順慶本朝皇祐間重建三門
兩廊記阿育禪院懷琿作奉化知縣沈時升立石紹興
十二年太上皇帝降御旨省劄許比慈感壽聖兩寺免
諸色科

覺海寺在縣東四十五里新市鎮唐時武康縣舊有興福寺後廢元和十年鍾思染於鎮中得漢中大夫朱安期墓地請於刺史薛戎移額建寺於此烏程令朱集捨田宅金錢買彝昌相與力成之武宗時廢毀宣宗時彝昌重建本朝治平二年改今名按三門佛殿唐時所立記文建中靖國初太史章撰大唐興善之寺六字小碑今藏墨妙亭有法鑒講師若愚塔銘殿柱有天書雷公大印

大善寺在縣南二十七里唐棲邨梁大同二年水部員外郎沈潛捨宅爲寺號永明唐貞觀中改爲大名寺本朝治平二年改賜今額

慧通教寺在縣東四十五里新市鎮熙寧元年建號法華院政和七年改今額

覺華寺在縣東北二十七里新塘梁天監中郡人沈悅捨宅爲寺號華林本朝大中祥符元年改今額有一石經幢唐會昌初僧清警建處士胡季良贊

唐壽寺在縣北二十七里戈亭吳越時建號孝德寺本朝治平二年改今額

安國寺在縣北二十里下舍舊名安居禪院唐咸通中改延慶寺本朝治平二年改今額

慈相寺在縣北三里唐元和中建號石壁院本朝治平二年改今額院有泉出石罅狀如半月號靈泉

華藏寺

在吳羌山前乾道四年移武康廢額來此武康華藏舊寺吳越王錢俶所建號興憲治平二年

改今額今寺中有錢王護戒牒尚存

海會禪院在學海寺西北隅國初邑人梅延和建本興善寺羅漢子院大中祥符五年改今名

保慶院在縣西五里積谷山之陰唐朝乾元中邑人余邦開山賜號積谷禪院吳越時改大寧保慶禪院今爲民居東有望螽亭正與螽山相對

妙嚴院在縣北十里大壯嶺東唐乾符二年號集雲院後改今額本朝紹興七年樞密沈與求乞爲功德院有妙峰堂詩榜甚多

保寧院在縣北十里大壯嶺本朝紹興五年初建朱皇

后宅乞爲功德院賜今額

道林庵在縣東二十七里崇寧元年建常以本州天聖院名之後罷神霄宮復舊院額遂以今名榜爲庵

三德院在縣東四十里梅林南齊建武中邑人太常少卿張迪捨宅爲寺始號波羅蜜寺唐大中元年改波羅

護國院本朝治平二年改賜今額

有岑碩詩云齊朝立蘭若曾廢會昌初佛

法滅不得僧徒還此居無碑傳古昔有樹老扶疏門外滌塵水寒光浸太虛

院有彌陀閣大

悲閣甚雄壯

眞教院在縣北二十七里相邨唐咸通六年建本朝建隆三年爲集福院治平二年改今額

延壽院在縣東北二十七里敢邨梁天監四年邑人沈

慶之捨宅爲寺唐大中初賜今名

統記云在縣東十八里咸通十年置

明因院在縣東四十五里新市鎮尖越時顯德三年餘
杭令章靖捨宅創建號羅漢院記文龍街首座贊熙寧
元年改今額

齊政院在縣東北十五里忻邨唐咸通十二年建本
朝元符中靈芝元照撰記

永寧院在縣東北三十六里白彪邨齊永明二年丹陽太
守沈豫捨宅建唐咸通中復賜今額

永壽院在縣東四十五里後柳邨唐大中二年建咸通
中賜額

梵行院在縣東四十五里苦竹邨唐咸通二年建號永

恩院本朝治平二年改今額

瑞蓮院在縣東北四十五里櫟林邨周廣順二年邑人吳篆請於吳越國鄧王就古院基建號護國瑞蓮院

越山院在縣東五里本朝開寶中建因舊寺基未賜額以今名

宣梵尼院在縣東四十五里新市鎮唐咸通五年建號連雲院本朝治平二年賜今額

寧國尼院在縣西南赤土山本朝乾道四年開府鄭藻建請爲功德院

寶覺慈光禪院在城山之陰本朝熙寧中天台僧了因結廬其上洛僧道容繼之屋宇寢多遂請安吉妙香禪

院廢額名之紹興三十二年內知省徐伸乞爲功德院
賜今名山頂有塔又有挂月環翠二亭

廣法教院在縣東南七十里海瀉村乾道元年移臨安
府廢額建

寧國院在縣東北五里蘭山乾道二年移臨安府廢額
於此

廣福院在縣南十二里上初陽乾道元年移錢塘縣廢
額建

眞寂院在縣東南三十六里南林乾道六年移錢塘縣
廢額建今改爲淨化院

安吉縣

報恩光孝教寺在縣西北三里王磐巖宋元嘉二十九年建號崑山寺本朝政和三年改爲天寧萬壽寺五年改爲十方教寺紹興中再改報恩光孝教院宗奉孝宗皇帝道場寺前舊有放生池縣令胡浚明重濬并記樂平寺在縣東北三十五里梅谿鎮宋元嘉元年信義太守施彬捨宅建唐會昌中廢後復舊

大明寺在縣南十五里霧山錢氏卽古寺基建名祇洹寺本朝治平二年改今額寺有錢氏元給奏憑稱持降宣命甲子年十一月某狀奏

葛勝仲詩云空翠清我襟
湛湛認堂奧兼乃張公超

五里方
術妙

化度寺在縣西南二十五里上市錢氏建號永樂寺本

朝治平二年改今額

廣福寺在縣東南二十里錢氏建名修道寺

舊有修道寺在縣南

四十三里梁大同四年三月廢

本朝治平二年改壽聖寺紹

興三十二年改今額

上方法雲禪院在玉磬巖唐乾興三年建本報恩寺子

院本朝天禧五年始賜院額寺後舊有半山亭歲久隳

壞乾道六年縣令安鼎夢遊是亭尋訪得舊址重建題

曰眞賞鼎自撰記

常樂禪院在縣西北半里錢氏時將軍吳頊捨宅爲寺

號羅漢院本朝治平二年改今額有慶歷二年建康俞

璋所撰羅漢院重修法堂記

百福院在縣西南三十里靈峰山梁開平元年建號靈峰院本朝治平二年改今額有熙寧元年知懷州孔叔贈撰重修大殿記

淨行院在縣西南六十五里董嶺邨晉開運元年錢氏建號寶德禪院本朝治平二年改今額

妙香院在縣西南四十五里結竹邨本朝乾德六年錢氏建建炎初兵火德清城山請廢額去凡三十年再得舊額今方葺治

澤心院在縣西北二十五里磴頭本朝建隆元年錢氏卽古寺基建名龍安院治平二年改今額

等慈院在安吉縣東三里四龍湖山吳越錢氏建號永

安禪院

舊有永安寺在縣東南四十里梁天監三年六月置隋開皇八年十月廢本朝治平

二年改今額 大觀中重修宗子博士魯百能撰記

慈芝塔院在等慈院西錢氏建

戒香院在縣西南六十里按坑本朝乾德二年錢氏建

號龍香禪院治平二年改今額

普滿院在縣北二十五里白茆晉開運二年錢氏建號

寶積院

舊有寶積寺在縣南二十五里梁大同元年十月置天監五年九月廢

本朝治平

二年改今額

普潤院在縣西南八十里荻浦晉天福六年錢氏建名

長慶院本朝治平二年改今額

華嚴院在縣東南二十里銅峴山周廣順三年錢氏建

名寶相院本朝治平二年改今額

華嚴院在縣東南四十五里塔臨乾德三年錢氏建名
資福院治平二年改今額

普慈院在縣西南五十里古浮山晉天福四年錢氏建
名安樂院本朝治平二年改今額葛勝仲詩云路出古
浮山木杪飛華屋卽此處也

德山禪院在縣西南三十五里唐龍紀二年建天祐四
年吳越王改爲五峰興國院本朝大中祥符元年又改
今額

淨慧院在縣西南八十里杭千晉開運二年錢氏建名
禪定院本朝治平二年改今額

廣慈院在縣東南三十五里本朝建隆元年錢氏建名
永慶禪院治平二年改今額寺有天聖五年通判杭州
陳詒所撰永慶院彌陀殿記

禪源院在縣西九十里銅坑本朝乾德二年錢氏建名
龍居院治平二年改今額

寶梵院在縣西半里晉天福五年錢氏建名保安院本
朝治平二年改今額寺有山塔在谿外

北門接待院本朝紹興元年準尙書省黃給度牒未曾
賜額院有廬舍那佛閣萬壽尼院崇寧元年建

本縣有寺二十七其二十四係舊圖經所載除樂平
崑山前代所置外餘二十二皆錢氏所爲以安吉一

方而所置寺繁盛如此民何以堪哉外有齊梁等六寺除永安保積修道爲後人所取名外有齊弘寺

吉安

縣南七里齊永明三年十月置隋開皇八年五月廢